



Concello de Moaña

CERTIFICADO

Expediente núm.:	Órgano colexiado:
2165/2017	A Xunta de Goberno Local

**Adamantino Barreiro García, EN CALIDADE DE SECRETARIO DESTE
ÓRGANO,
CERTIFICO:**

Que, na sesión desenvolvida o 10 de setembro de 2018 adoptouse o seguinte acordo:

Expediente 2165/2017. Prezo Público Os bolechas van a Moaña

Vista a proposta do concelleiro delegado de Facenda de datada o 5 de setembro de 2018, sobre Prezo público "Os bolechas van a Moaña", que textualmente di:

O Pleno da Corporación do Concello de Moaña aprobou na sesión celebrada o día 26 de outubro de 2017 a Ordenanza reguladora da venda de material de promoción cultural e turística do Concello de Moaña, que foi publicada no BOP núm.13, de 18 de xaneiro, entrando en vigor ó día seguinte da súa publicación.

Na sesión celebrada o 4 de decembro de 2017 a Xunta de Goberno Local, acordou proceder á edición do libro "Os bolechas visitan Moaña", cunha finalidade de promoción cultural e turística do Concello, de acordo co disposto no artigo 4 da Ordenanza reguladora da venda de material de promoción cultural e artística do Concello de Moaña.

O 20 de agosto de 2018, a Xunta de Goberno Local acorda autorizar e dispoñer o gasto correspondente á edición do libro por importe de 11.980,80 euros.

Co obxecto de operar a venda dos libros editados a través da páxina web do Concello, a Xunta de Goberno Local aprobou na sesión celebrada o 25 de xuño de 2018 a contratación do servizo de ampliación daquela para a incorporación de elementos ecommerce, por un importe de 1.089,00 euros.

O 9 de agosto de 2018, consultadas as condicións correspondentes á contratación dun TPV virtual coas dúas entidades bancarias nas que o Concello mantén contas operativas abertas, BBVA Institucións e ABANCA, asinase contrato con esta última por ofertar as mellores condicións financeiras (0,30 % do importe por cada operación como taxa de desconto, sen ningún outro tipo de comisión)

O artigo 4 da ordenanza indicada nos seus parágrafos 1º e 2º, dispón que corresponde á Xunta de Goberno Local determinar o procedemento de venda e cobro de cada produto e o importe do prezo público correspondente, que se fixará en atención ó estudo de custes realizado polos servizos económicos do Concello.

O 8 de agosto de 2018 emítese providencia de Alcaldía de inicio do expediente de regulación da venda de 4.000 exemplares do libro "Os bolechas visitan Moaña" e de establecemento do correspondente prezo público.

O 23 de agosto a Tesourería Municipal emite estudo económico de custes no que propón un prezo público por importe de 7,25 euros, como mínimo.

O 27 de agosto de 2018 a Xunta de Goberno Local aprobou o expediente, o convenio no que se regula o procedemento de venda e de suministro dos produtos mediante un sistema de colaboración con establecementos locais que permita dar cumprimento ós fins de promoción turística e cultural e o correspondente prezo público.

Concello de Moaña



Concello de Moaña

Esta concellería considera oportuno que, ademais da posibilidade prevista de recollida dos libros nas librerías que asinaron o convenio, os compradores os teñan dispoñibles tamén na biblioteca municipal, así, **PROPÓN** á Xunta de Goberno Local a adopción do seguinte acordo.

Primeiro.- Modificación do punto primeiro parágrafo segundo do acordo adoptado pola Xunta de Goberno Local o 27 de agosto, incluíndo o seguinte procedemento de venda:

A persoa compradora, despois de seleccionar o produto na tenda on-line, engadilo ao “carro da compra” e finalizar a compra, accede a un apartado no que se rexistra cos seus datos, fai o pagamento con tarxeta e debe escoller a tenda na que vai recoller o produto ou indicar que o recollerá na biblioteca municipal.

O sistema enviará ao cliente un correo coa compra e a factura do pedido. Tamén enviará aos establecementos colaboradores ou á biblioteca un correo electrónico cos datos do pedido.

A persoa compradora deberá identificarse co seu DNI para recoller o produto no lugar seleccionado e asinará o documento acreditativo da entrega de acordo co modelo incorporado como Anexo 1º.

Cada establecemento colaborador e a biblioteca recibirán 100 exemplares do libro.

O primeiro luns de cada mes, unha persoa representante do establecemento colaborador e o responsable da biblioteca achegaranse á Tesourería Municipal (horario de 8:00h a 14:30h) para presentar a documentación xustificativa da entrega dos produtos vendidos durante o mes anterior e, no seu caso, repoñer stock.

Excepcionalmente, se se rematase o stock con anterioridade a tal data, poderá repoñerse calquera outro día laborable en horario de 8:00h a 14:30h, baixo previo aviso cunha antelación mínima de dous días laborables.

Segundo.- Correxir o desglose do prezo público aprobado no punto terceiro do acordo adoptado pola Xunta de Goberno Local o 27 de agosto, de xeito que o total de 8 euros correspóndese cunha base imponible de 7,69 euros e un IVE de 0,31 euros (4%).

Terceiro.- Notificar o presente acordo ós Departamentos de Secretaría , Intervención e Tesourería ós efectos oportunos.

A Xunta de Goberno Local, por unanimidade das persoas asistentes, acorda aprobar integramente a proposta do concelleiro de Facenda.

E para que conste, para os efectos oportunos no expediente da súa razón, de orde e co V.º e Pr. da Sra. alcaldesa, coa excepción prevista no artigo 206 do Regulamento de Organización, Funcionamento e Réxime Xurídico das Entidades Locais aprobado por Real Decreto 2568/1986, do 28 de novembro, expídese a presente.

DOCUMENTO ASINADO ELECTRONICAMENTE

Concello de Moaña

Rúa As Barxas, 2, Moaña. 36950 (Pontevedra). Tfno. 986310100. Fax: 986310104